


桓仁縣志

龍光斗
署



第一冊
卷之一
沿革志
卷之二
天文志
卷之三
地理志
卷之四
官制志



中華民國十九年一月 桓仁教養工廠印

桓仁縣志

龍光斗題



刊印桓仁縣志序

夫國有史而縣有志所以記掌故明沿革代遠年湮之事滄桑更
變之狀文獻有徵典籍自賴重紀實也戊辰冬月 沛如 奉大府
檄來署桓仁下車後疊奉



國府暨各當道徵求縣志以備考鏡乃檢核檔案始知本邑舊志
為前清邑侯馬君績卿所創迄閱二十餘年原版蕩然志書亦
失欲覽斯篇幾如唐碑晉帖丁卯歲前任侯君錫爵訪得舊志
全部無異魯靈光殿遂參酌損益而增纂馬稿甫脫送請
省府核正待刊乃梨棗未施侯君去職未竣九仞之功幾虧一篑
之績當為請准

縣志

序一

省政府檢發原稿 沛如 重延邑紳劉君熙陽而校成之竊念桓仁設
治於有清光緒二年就佟佳江東岸據形勝實邊防始建懷仁縣
公署文化所被人材蔚出襟水帶山屹成東邊重籥後因縣名與他
省重複故易懷仁為今名頻年形勢變遷措施異昔韓僑沿渾江
襁褓而就歸化者日繁中外大同交涉遂起參考往跡非志載難明事理
真詮規劃江防無掌故恐昧地形險易邑志之修顧不重歟溯桓仁邑志
創成於馬君績卿纂修於侯君錫爵而校刊告成於余適值庫藏告
匱印刷資鉅仍勉其難不顧者使邑人擷覽斯篇慨生愛鄉愛國
之心故述原始以為序

中華民國十八年歲次己巳孟冬之月縣長李沛如序於桓仁縣政府

桓仁縣志序

縣之有志書猶國之有史乘也政治法度代有變遷文物民風時為沿革苟無書史以誌之烏得考厥盛衰較其得失也哉以故三墳五典八索九邱典謨訓誥春秋乘禱自古尚矣後則沈約宋書長孫隋志何徐州郡水初山川以及任昉地紀之富野王輿地之傳莫非志乘之流亞所以搜集宏富檢討詳實俾一事一物皆足垂諸謨世而不朽者蓋欲為治者知鑒往古以啟來茲也即有清一代名儒出宰一方亦多斤斤於地方志乘如陸稼書之靈壽志洪北江之淳化志李申耆之鳳臺志孫淵如之三水志董晉卿之懷遠志其義例文采皆能彪炳奕世不特為言文者所樂道即言治者

縣志

序二

亦將於此取則焉錫爵文學無似少聞鄉先誥之所以為治者心焉慕之應官桓邑務材訓農通商惠工而外亦嘗以搜求志乘為學治基礎特桓仁設治未久地近邊陲周王之馬跡不臨謝公之履齒莫踐雖有山川之秀人物之美然文獻無徵志乘未備亦幾湮沒而不傳矣興言及此良深慨然丙午歲冬奉

省憲令徵繳各縣志書愧無以應於是羅抉搜剔博訪周諮始於邑紳王在鎬家拾得舊帙一部詳加檢閱乃前宰馬君績卿所創修者求之現今制度既不相合體例亦未完備嗟嗟古錢掘出輪廓叔材斷碣捫來觚稜缺齷美中惜其不足入德尚稱有門爰集邑中各界籌議重修僉欲贊襄調查捐助費用並共推羅明述

為編纂員龍海濤為繪圖員開館署內共事編修苦心毅詣費時三月而帙成復經白君佩珩之詳勘劉君熙陽之校正以及邑紳之有熱心者多所筆削洵所謂草創得人修飾得人潤色胥得人焉後之官斯土者倘亦志余之志隨時增修發揮而光大之不但有關政治裨益地方且與古簡相提並論傳於千古世而不朽斯則余之志願遂而諸君之勞亦不泯矣今書將刊索序於余因書巔末以贈何序之足云乎

中華民國十六年歲次丁卯孟秋之月知事侯錫爵序於桓仁縣公署

序

信史難史才尤難志者亦史之流亞也余何人斯謬膺是職猥以民國十六年冬奉

憲令飭修縣志以備彙案經縣長侯公邀集紳耆籌擬進行共推王君在鎬為縣志編查館館長兼編輯主任劉君熙陽曲君廣懋為編輯時余因在桓仁科長差次殿諸君之後亦被推為編輯焉並推龍君海濤為繪圖徐君益謙為謄錄共襄其事嗣王君因事未就而劉曲二君亦因事迄未應職編輯一缺僅餘余一人又迫以三月成書余以責無旁貸當已綿蕞脫稿惟待徐君謄錄旋歸余有失豪權意竟被誣控去職復被友人邀充京兆平谷縣承審官

縣志

序五

兼科長差臨行切囑徐君速為繕就代呈以終其事孰料余去後而徐君因病物故稿已遺失多半搜集無從物沒人亡徒付浩歎及年終余以俗務糾纏歸家料理復被侯公敦促索書愧無以應只得重為脫稿還之徵書期迫謄錄無人竊以荒陬僻地文獻無徵益以述謏陋不學倉猝成書體例未備魯魚亥豕之謂尤所難免特以始基既立惟冀參閱校刊有人為之補輯增修易於從事統俟來哲為之斧削云爾民國十七年戊辰孟春朔遼陽羅明述謹叙其顛末於桓仁寄廬

桓仁縣志纂修職員題名

總監修署理桓仁縣知事 侯錫爵

編輯前桓仁縣署第一科科长現充京兆平古縣承審官兼行政科科长羅明述

繪圖桓仁縣立女子職業學校教員 龍海濤

校正清舉人前代理奉天省省長 白佩珩

續校前桓仁縣西區兩等小學校校長 劉熙陽

謄錄前桓仁縣國民小學校教員 徐益謙

採訪前桓仁縣警察所長 何錫純

前桓仁縣保甲所長 張景超

桓仁縣教育所長 孟繼武

縣志

序六

農務會正會長 全祝庚

農務會副會長 孫承璞

商務會正會長 宋良弼

商務會副會長 宮蟾桂

電話局局長 邱翰章

師範及中學校校長 孫桂馥

男子職業學校校長 張宏業

女子職業學校校長 閻國慶

第一區區長 秦寶成

第二區區長 滿尚謙

第三區區長	劉海康
第四區區長	方厚禮
第五區區長	萬春芳
第六區區長	馮振英
第七區區長	王惠卿
第八區區長	吳慶海

縣志


序七

民國十
九年五
月十日


桓仁縣長及纂修縣志職員合影



桓仁縣城圖



桓仁縣政府平面圖



桓仁縣志總目錄

卷之一 沿革志

沿革 桓仁縣歷代沿革表

卷之二 天文志

星土 經緯度 晷刻 氣候 災祥

卷之三 地理志

疆域 地勢 面積 山脈 水道 勝蹟 古蹟

卷之四 官制志

官署 官職

卷之五 民治志

縣志

選舉 區村制 戶口 集鎮 公安局 公安隊

卷之六 建置志

城垣 縣公署 典史署 監獄 巡檢署

公安局 公安隊 東門裡營房 西門裡營房 分防營

汛兵營 土城垣及礮台 書院 教育局 義塾

壇廟 碑碣

卷之七 財賦志

國家稅 縣署經費 地方款收入 地方款支出

卷之八

動物 植物 礦物 廢物

卷之九 風俗志

民風 歲事 雜禮 婚嫁 喪葬 祭祀 墓祀

官祀 飲食 衣服 居住 水火 方言 器用

卷之十 實業志

農業 農務會 苗圃 水利 林業 漁業

工廠 商業 商務會

卷之十一 交通志

郵政 電報 電話 陸路 航路 津梁 渡口

卷之十二 教育志

書院 宣講所 圖書館 報館 教育會

縣志

教育局 學校

卷之十三 宗教志

佛教 道教 回教 耶穌教 天主教 理教

卷之十四 人物志

清薦紳表 民國薦紳表 勲舊 循良 鄉宦

鄉型 鄉老 孝友 節烈 文學 藝術 流寓 方外

卷之十五 兵士志

歷代戰事紀畧 明清戰記 勦滅金匪壑荒安民之事畧

拳匪擾亂本境之始末 忠義軍南竄紀畧 甲辰中立之實狀

樂匪破城紀畧 王濟輝知事獨立 陸軍五十八團駐防

卷之十六 藝文志

碑記 詩歌

卷之十七 雜錄志

錄仙釋 錄祠宇 錄鄉談 錄物變 錄特產

沿革志卷之一

沿革

桓仁縣歷代沿革表

縣志

沿革志

桓邑僻在邊徼歷代封建沿革較腹地直指確鑿為難據書傳舜分青東北為營州以地志考之營州域即兼遼東之地而言其置郡蓋自秦始漢設元菟郡後屢有因革然郡縣之名未改唐改為遼東諸都督府而秦漢之建置一變遼金元之世雖損益不同然均分隸諸路而州縣之制仍舊明改州縣為衛隸於都司而遼金元之建置又一變迄清設治桓仁縣疆域始劃碁定及今方得指証確鑿其歷來沿革不過僅就史中古郡事跡斷以大義云爾並列表於後

沿革

縣志

五

桓仁在唐虞時為營州當軒轅畫井分州始於遼及有虞部分十二而遼以東則剖於青青之東北海外境域是為營州即今遼河以東之地與京全境隸乎其中桓仁亦屬焉夏書禹貢分九州則營仍併於青矣周時箕子避居朝鮮武王即其地封之而朝鮮史載箕子率其徒五千人避地於遼河之東其子孫始遷平穰為朝鮮開國之祖謂避地遼河之東是統鴨綠江東西而言按史記所載武王即其地封之之地其條僅指鴨綠江以東之地而言蓋無疑義如從前吉黑兩省亦以遼東概之與此相類如泥朝鮮史所說謂桓仁即箕子避亂之地謬矣其子孫遷平穰蓋由朝鮮界內復擇平穰而居也非謂由鴨綠江西遷居於鴨綠江